

**ADDENDA AO CONVENIO DE COOPERACIÓN ENTRE A CONSELLERÍA DE PRESIDENCIA,
XUSTIZA E DEPORTES, DA XUNTA DE GALICIA, E O CONCELLO DE PONTEAREAS PARA A
CONSTRUCCIÓN DE VESTIARIOS NAS INSTALACIÓNS DEPORTIVAS DA FREIXA**

En Santiago de Compostela, 14/11/2024

REUNIDOS

Don Diego Calvo Pouso, conselleiro de Presidencia, Xustiza e Deportes da Xunta de Galicia, en virtude do Decreto 42/2024, do 14 de abril, polo que se establece a estrutura orgánica da Xunta de Galicia e o Decreto 44/2024 polo que se nomea aos titulares das consellerías da Xunta de Galicia no exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa presidencia.

Dona María Nava Castro Domínguez, alcaldesa do Concello de Ponteareas, ao abeiro do disposto no artigo 21.1.b) da Lei 7/1985, do 2 de abril, reguladora das bases de réxime local e no artigo 61.1.a) da Lei 5/1997, do 22 de xullo, de administración local de Galicia.

As partes recoñécense con capacidade para formalizar a presente addenda ao convenio asinado o 14.06.2024, así como para exercer as súas competencias en materia de deporte baixo os principios de colaboración, cooperación, coordinación e información multilateral establecidos na Lei 3/2012, do 2 de abril, do deporte de Galicia.

Actuando todos eles coas facultades que os seus respectivos cargos e habilitacións lles confiren,

EXPOÑEN

I.- Conscientes da importancia da colaboración económica entre as Administracións Públicas para a realización de obras que beneficien ao conxunto dos cidadáns para a realización da práctica deportiva, e nos obxectivos de potenciar o deporte base e de contribuír a unha mellor dotación das infraestruturas que permitirán satisfacer as crecentes demandas sociais no ámbito deportivo, asinouse con data 14 de xuño de 2024 un convenio de cooperación entre a Consellería de Presidencia, Xustiza e Deportes e o Concello de Ponteareas para a realización das obras de construción de vestiarios da instalación deportiva da Freixa, segundo o proxecto presentado polo técnico Jonatan López Pérez.

O importe total das actuacións a realizar ao abeiro deste convenio ascende á cantidade de **sesenta e nove mil dous euros con corenta e oito céntimos (69.002,48 €)**, IVE incluído.

• A Consellería de Presidencia, Xustiza e Deportes achegará a cantidade de cincuenta e cinco mil douscentos un euros con noventa e oito céntimos (55.201,98 €) con cargo a aplicación orzamentaria 35.02.441A.760.0 (código de proxecto 2013 00039) do seu orzamento de gasto para o exercicio 2024.

Anualidade 2024..... 55.201,98 €

• O Concello de Ponteareas achegará a cantidade de trece mil oitocentos euros con cincuenta céntimos de euro (13.800,50 €), con cargo a aplicación orzamentaria 34000-6320019 do seu orzamento de gastos do exercicio 2024.

Anualidade 2024.....13.800,50 €

II.- Con data 29.10.2024 o Concello de Ponteareas **solicita prórroga para a xustificación da anualidade 2024**, prevista para antes do 15 de novembro de 2024, polo atraso no inicio da obra, que despois da

aprobación do plan de seguridade e saúde e a sinatura de comprobación de replanteo estaba previsto o inicio o 2 de setembro. Que o prazo de execución ofertado é de 3 meses, polo que está previsto o remate o 2 de decembro de 2024.

III.- Co fin de estudar a proposta anterior, en data 31 de outubro 2024 reuniuse a Comisión de Seguimento e Interpretación integrada por dous representantes da Consellería de Presidencia, Xustiza e Deportes e dous representantes do Concello de Ponteareas e propúxose a formalización dunha addenda

IV.- Atendendo a estes atrasos, a Consellería de Presidencia, Xustiza e Deportes e o Concello de Ponteareas, acordan subscribir esta addenda consonte ás seguintes:

CLÁUSULAS:

PRIMEIRA- Modifícase a cláusula **QUINTA** que queda redactada do seguinte xeito

QUINTA: XUSTIFICACIÓN E PAGAMENTO DAS AXUDAS

De acordo co artigo 28.5 da Lei 9/2007, do 13 de xuño e co artigo 8 do Decreto 193/2011, do 6 de outubro, o concello estará obrigado a xustificar o cumprimento da finalidade da subvención e o seu custo real mediante a presentación dunha conta xustificativa integrada, con carácter xeral, pola documentación que se relaciona no artigo 10 do Decreto 193/2011, do 6 de outubro e que incorporará en todo caso a toma de razón en contabilidade mediante certificación da intervención ou do órgano de teña atribuídas as facultades de control co visto bo do/a alcalde/sa, e do cumprimento da finalidade para a que foi concedida.

Na xustificación deberá acreditarse o importe, procedencia e aplicación dos fondos propios, así como doutras subvencións ou recursos á actuación subvencionada.

O prazo para presentar a xustificación do convenio será antes do 15 de decembro de 2024. Os pagos poderán facerse nun único aboamento, mediante certificación única.

En todo caso o pago efectuarase unha vez examinada e conformada a xustificación presentada polo concello.

Tal e como o establece o artigo 3 do Decreto 193/2011, do 6 de outubro, considérase que o concello ten o gasto realizado cando teña contabilizado o recoñecemento da obriga polo órgano competente da entidade local. A entidade local está obrigada a acreditar documentalmente a efectividade dos pagos realizados no prazo máximo de sesenta días naturais contados a partir da data de ingreso na conta bancaria do concello.

SEGUNDA- REXISTROS PÚBLICOS DE AXUDAS

As partes asinantes da addenda manifestan o seu consentimento para que os datos persoais que constan neste addenda, así como o resto das especificacións contidas na mesma, poidan ser publicados no Portal da Transparencia e Goberno Aberto e no Rexistro de Convenios da Xunta de Galicia.

De acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións administrativas da Xunta de Galicia, o concello consente expresamente a inclusión e publicidade dos datos relevantes referidos á subvención obxecto deste convenio nos rexistros públicos citados, creados polos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Así mesmo consente na publicación da addenda que esixe a Lei 1/2016, do 18 de xaneiro, de transparencia e bo goberno no artigo 15 referido ás obrigas específicas de información sobre convenios.

E en proba de canto antecede, as partes que interveñen asinan a presente addenda na data e hora sinaladas na sinatura electrónica

O conselleiro de Presidencia, Xustiza e Deportes
Diego Calvo Pouso

A alcaldesa do Concello de Ponteareas
María Nava Castro Domínguez